

Schnitzelbanken Alibaba 2018

- 1 In Kaltbrunn - händ mir - drü verbissni - Schüssvereinli
Leider sind Sport – Feld – und Militär – sich überhaupt - nüd einig
Am Beschtä würdet sich - diä Verein – trotz sturä Grindä - zämä raufä
Denn chönntets äntli - das Schützähüsli - i dä Wilä - fertig bauä
- 2 Dr Wäg – über dä Vorplatz - zur Chilä - isch jetzt planiert
Diä mit äm Rollator - und die mit äm Chinderwagä - händ profitiert
Doch au d Schüler - mit dä Kikis - und dä Rollbrätt - händ dä Weg entdeckt
Voll Rohr fahreds - um dä Ecke - und händ dä Siegerscht - schu mängisch - verschreckt
- 3 D` Sanierung – und Erwiterig - vom Altersheim – isch – ä grossä Brockä
Das wird dä Stüürezahler – viele - viele - Batzeli choschtä
Nu **ein** Handwerker - i dr Gmeind – cha - is Füschtli - lache
Dä Koni Jud - dörf – D`Wasser-zuäleitig machä
- 4 Der Metzger Jud – und üse Büchler – sind Konkurrentä
Doch bi de Prisä – isch dä Büchler – viel besser – als dä vo Bänggä
Bim Remo - hilft der Vater Köbi – tüchtig - uf em Platz
Schafft dä – ächt gratis – oder eventuell - gar schwarz
- 5 Im Oberdorf – zwischet Pizzakurier – und Pfarreiheim
Isch sTottoir – us Sicherheitsgründä – ufä – verschobä wordä
Uf beidä Siitä – vo dä Rickenstrass – stönd jetzt – wiss roti Pföstä
Wänn als Frau – vor em Pfarreiheim – chasch parkierä – dann ghörsch - zu dä gröschtä
- 6 Im Bundäshus – fület sich - viele Frauä – sexuell belästigt
Vor allem Mannä – vo dä CVP – händ die Praxis - bestätigt
En Knigge – zum Flörtä - und Liebi machä – händs in Bern erloh
Schiins muess jede - unterschriebe - das kei neus Läbä – tuet entstooch
- 7 König Bruno – nüd üsa Hinder – sondern - dä Hug - vo Rapperswil
Schribt – redet – und diktiert – grad was er will
Mä jagd ihn zum Teufel – und – mir rüeftet ihm no zue
Bliib wo bisch – aber lass – S`gaschterland - i Rueh
- 8 Dä Bodäleger Schneck – tuet uf em Balkon – füüre - und viel Rauch – produzierä
Dä Nachbar rüeft Fүүrwehr – mit Schprütze - und Maske – tüends ufmarschierä
Z` Lösche gits nüt – aber de Chüelschrank - wird leer - gfrässe
De Max schribt a Gmeind – mini Fүүrwehrstüür – chönd ihr - das Jahr – vergässe
- 9 Dä Markus macht – zu sim sächzigschtä – ä grossäs fäscht
Kaltbrunner Bier – vom Rüegg – offeriert er – allnä Gescht
Guät wärs – sie würdät – bi dä Gmeindrotsitzigä – au - **das** Bier usschänkä
Dänn wür ä Sankt Georg – ihri Gschäft – sicher – zum Guätä länkä

